

INUIT ATAQATIGIIT

Inatsisartuni



09. Juni 2020

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

1. **Kalaallit peqqissartut angerlarsimaffianni atuisunit puisip neqaa qanoq annertutigisoq ukiumut pisariaqartinneqarpa?**
2. **Naalakkersuisut Kalaallit peqqissartut angerlarsimaffianni puisip neqitortarnissamik tapersersuerusussuseqarpat?**
3. **Kalaallit peqqissartut angerlarsimaffiannut puisit neqaanik pilersuisoqassappat suut piumasaqaatit eqquutsissimallugit qulakkeeqqaarneqassappat?**
4. **Piumasaqaataasimasussat anguniarlugit Naalakkersuisut qanoq iliorniarpat?**
5. **Naalakkersuisut Kalaallit peqqissartut angerlarsimaffianni peqqissartut puisip neqitorsinnaaleqqinnissaannik aqqutissiuunniarlugit periusissiorsimappat?**
 - a. **Naamiuppat; Piffissaq ungasinngitsoq isigalugu piviusunngortitsinissamik anguniagalimmik Naalakkersuisut periusissiussamaarpat?**
6. **Neqi A/S-i savat, savaaqat nersussuillu tunisaanerisa saniatigut sumut atorineqartarpa?**
7. **Neqi A/S-i ukiup ilaa, piffissami aaliangersimasumi, tassalu nalinginnaasumik tunisassiornerup avataatigut, puisip neqaanik tunisassiornermik aallutaqarniarluni pilersaaruteqarpa?**
 - a. **Naamiuppat; Naalakkersuisut kaammattuinnissaminnut pilersaarpat?**
8. **Neqi A/S-i tunisassioriaatsinik allanik sunik pilersaaruteqarpa?**
9. **Inuili peqatigalugu, Neqi A/S puisip neqaata atorluarneqarsinnaaneranik aallutaqarpa, pilersaaruteqarpaluunniit?**
10. **Neqi A/S-i piffissap ilaani puisinut tunisassiornermik ingerlataqalissagaluarpas atortutigut allannguigallartariaqartassappat, tamanna qanoq akeqassava?**

(Inatsisartunut Ilaasortaq Stine Egede, Inuit Ataqtigiit)

Tunngavilersuut:

Naalakkersuisut Danmarkimi Kalaallit peqqissartut angerlarsimaffianni, nerisaqarneq pillugu misissuinerat (UPA19-122), tigoqqammerparput. Tassani erserpoq Kalaallit peqqissartut angerlarsimaffianni Københavniittumi nerisassanik isumagineqarneq pitsaasup tungaanut aallarsimasoq. Tamanna tusarluarnarpoq.

Paasisarpullu aamma unaavoq, qularnanngitsumik Maniitsumi Lilleholm-ip tunisassiorfiup matunerata kingunerisaanik, ajoraluartumik puisip neqaanik pissarsiniarneq ajornakusuulersimasoq.

Neqi A/S 2013-imi 60 mio atorlugit piorsaqqinneqarnikuuvoq, kisialli atorneqarnera, tassalu suliffissaqartitsinera ukiup ilaanaanni pisarpoq, tassalu savat nersussuillu tunisassiarineqarnerisa nalaanni sulisut amerlasuut sulisinneqartarput. Taassumalu avataatigut fabrikki annertuumik sulisitsisannigilaq.

Apeqqutit ullut qulit qaangiutsinnagit akineqarnissaaat kissaatigaara.